

**25 《大乘無量壽經解》  
必成正覺第七之二  
積功累德第八**

**佛陀教育基金會 假日佛學院  
2025 年 11 月 01 日**

南無本師釋迦牟尼佛（三稱）

（開經偈）

無上甚深微妙法

百千萬劫難遭遇

我今見聞得受持

願解如來真實義

## 二、正宗分

一、 彌陀因地 殊勝願行	法藏勝因	法藏因地第四(時劫悲願)
		至心精進第五(攝受佛土)
	殊勝大願	發大誓願第六(四八大願)
		必成正覺第七(立誓自要)
	從願起行	積功累德第八(修菩薩道)
	果德成就	圓滿成就第九(佛土法身)
		皆願作佛第十(聞經緣勝)

二、極樂依正・清淨莊嚴

三、三輩往生・菩薩禮供

四、二土欣厭・重重誨勉

五、得失雙辨・攝聖顯智

# 必成正覺第七・科判

偈頌之前言（法藏比丘・說此願已）

偈頌初 立誓必滿大願

(1首)

偈頌中

立誓令  
一切眾生  
皆成佛

初、總說(普濟群生,成就菩提)

(1.5首)

二、攝生來剎修行→無量壽

(2.5首)

三、以佛化德自要→無量光

(3首)

四、願已福智同佛→滿所願

(2首)

偈頌後 結求感動現瑞

(1首)

偈頌之後語（六種震動・天雨妙華）

# 【必成正覺第七】 經文 (1/2) (夏會本)

佛告阿難：爾時法藏比丘說此願已，以偈頌曰：

01我建超世志，必至無上道，斯願不滿足，誓不成等覺。

02復為大施主，普濟諸窮苦，令彼諸羣生，長夜無憂惱。

03出生眾善根，成就菩提果，我若成正覺，立名無量壽。

04眾生聞此號，俱來我剎中，如佛金色身，妙相悉圓滿。

05亦以大悲心，利益諸羣品，離欲深正念，淨慧修梵行。

# 【必成正覺第七】 經文 (2/2) (夏會本)

- 06願我智慧光，普照十方刹，消除三垢冥，明濟眾厄難。  
07悉捨三途苦，滅諸煩惱暗，開彼智慧眼，獲得光明身。  
08閉塞諸惡道，通達善趣門，為眾開法藏，廣施功德寶。  
09如佛無礙智，所行慈愍行，常作天人師，得為三界雄。  
10說法師子吼，廣度諸有情，圓滿昔所願，一切皆成佛。  
11斯願若剋果，大千應感動，虛空諸天神，當雨珍妙華。

佛告阿難：法藏比丘，說此頌已，  
應時普地六種震動。天雨妙華，以散其上。  
自然音樂，空中讚言：『決定必成無上正覺』。

## 【必成正覺第七】 (24/56)

06願我智慧光，普照十方刹，消除三垢冥，明濟眾厄難。

07悉捨三途苦，滅諸煩惱暗，開彼智慧眼，獲得光明身。

「悉捨三途苦，滅諸煩惱暗」者，  
承上文而言。消除三毒，則離三惡道。  
蓋三途極苦，大聖垂慈，願令捨離。  
故四十八願之首，為國無惡道與不墮惡趣。  
今云「悉捨三途苦」，其義同也。

「暗」，喻也。無明煩惱覆蔽眾生心源，  
昏昧冥盲而無所見，故云「暗」。  
佛之智光如日，佛智能照破無明煩惱，  
如日破暗，故云「滅諸煩惱暗」也。



## 【必成正覺第七】 (25/56)

07 悉捨三途苦，滅諸煩惱暗，開彼智慧眼，獲得光明身。

「開彼智慧眼，獲得光明身」。

眼之用為見。故常以眼表見。

常喻曰：般若如目，餘度如盲。

宗門常云：參方須具參方眼，看教須具看教眼，是皆以眼表般若之正見也。

又《華嚴離世間品》十眼中，於五眼外，  
第六曰智眼，見諸法故。七、光明眼，見佛之光明故。  
八、出生死眼，見涅槃故。九、無礙眼，所見無礙故。  
十、一切智眼，又曰普眼，見普門之法界故。



## 【五眼】

肉眼	能見障內之事		
天眼	能見障外之境		
慧眼	能見真空之理	一切智	三智
法眼	能見差別事相	道種智	
佛眼	圓見中道實相	一切種智	
金剛經頌	天眼通非礙，肉眼礙非通 法眼能觀俗，慧眼了真空 佛眼如千日，照異體還同		

吳希仁老師《佛說無量壽經》講表

## 【必成正覺第七】 (26/56)

07悉捨三途苦，滅諸煩惱暗，開彼智慧眼，獲得光明身。

今云「智慧眼」者，可釋為十眼中之慧眼與智眼，亦可解為眾生本有之「如來智慧德相」亦即佛眼。

如《會疏》曰：「智慧眼，即智慧。謂眾生心中本具智慧眼，由無明幻翳，妄為昏盲。住昏盲中故，以佛眼為彼，認盲為自。佛光普照，開眾生心中本慧眼，滅無始時來盲冥，故言『開彼』也。」

蓋謂眾生昏盲無知，不識本具佛眼，反自認為盲，將佛眼推向佛邊。今因佛光普照，開明眾生心中本有智慧之眼，而消滅盲冥也。

## 【必成正覺第七】 (27/56)

07悉捨三途苦，滅諸煩惱暗，開彼智慧眼，獲得光明身。

「光明身」，

《三藏法數十三》謂有三種光明：

一外光明，日月火珠等之光明能除暗者。

二法光明，妙法能除愚癡之暗者。

三身光明，諸佛菩薩及諸天等之身有光明能除暗者。

如經云「身頂皆有光明照耀」，

身有光明，是為光明身之淺釋。

進言之，「獲得光明身」另有三義：

## 【必成正覺第七】 (28/56)

07悉捨三途苦，滅諸煩惱暗，開彼智慧眼，獲得光明身。

一者，如《千手陀羅尼經》曰：

「當知其人即是光明身，一切如來光明照故。」

由於佛光普照，眾生垢滅善生，慧眼開明，淨心持念，於是十方如來光明護照，行者自身即成光明藏也。

二者，如《論註》云：

「佛光明是智慧相也。」 故光明身與智慧眼不二，  
智慧眼開，了了見性，光明身頓即成就也。

三者，如《思益經》曰：

「如來身者，即是無量光明之藏。」

蓋願一切眾生皆由真實智慧而證如來法身也。

# 【必成正覺第七】 (29/56)

08閉塞諸惡道，通達善趣門，為眾開法藏，廣施功德寶。

「閉塞諸惡道」。「惡道」者，

《地持經》言：「乘惡行往，名為惡道。」

即乘惡行而往之道路，

亦名惡趣，地獄、餓鬼、畜生等是也。

上名三惡趣，亦有加入修羅，名為四惡趣者。

「閉」者，關閉也，亦即「塞」也。

令諸眾生免除墮入三惡趣，或四惡趣之厄難，  
是為「閉塞諸惡道」之粗解。

《會疏》更進一解，謂六道皆是惡道，



# 【必成正覺第七】 (30/56)

08閉塞諸惡道，通達善趣門，為眾開法藏，廣施功德寶。

疏云：「六道，則流轉所由，故言惡道。」

《會疏》之說，於經有據，

《魏譯》曰「橫截五惡趣」。

以修羅分入餘趣，故六趣成為五趣。

經云「五惡趣」即《會疏》所解，六道均名惡趣。

是以「閉塞諸惡趣」，即是斷除眾生輪迴六趣之途，  
令出生死之海也。

今會本第卅二品亦曰：

「橫截於五趣，惡道自閉塞。」（會自漢魏兩譯。）

# 【必成正覺第七】 (31/56)

08閉塞諸惡道，**通達善趣門**，為眾開法藏，廣施功德寶。

「**通達善趣門**」。「**通達**」者，暢通無壅也。

「**門**」者，具兩義，一者**差別**，二者**趣入**。

《大乘義章一》曰：

「**門別不同**故名為門(即分門別類之義，如部門、門類)，  
又能**通人趣入**名門。」

法有種種**差別**，即是有種種門，皆能使人**趣入**涅槃，  
即是「**門**」義。故指**經中之法**為**門**。

《四教義三》曰：「門者，以**能通**為義。」

佛教所詮**正四句法**，通行人至**真性實相之理**，故名為**門**。」

後者正是今經中之義。



# 【必成正覺第七】 (32/56)

08閉塞諸惡道，**通達善趣門**，為眾開法藏，廣施功德寶。

「**善趣**」者，

一般指六趣中之**三善趣**，但此與今經之義相違，  
上既以六趣皆名惡趣，**故人天等趣**不能復稱善趣。  
故知善趣門不是趣向人天之門，  
而是**上善者所趣向**，故名**善趣門**。

如《會疏》曰：「菩提者，則上善所入，故言善趣門。」

是謂**入菩提妙覺之法門**，才是**善趣門**。

此門唯有發菩提心上善之人方能趣入，

洞開此門，故云「**通達善趣門**」。

云何**洞開**？則唯有成就淨國普攝群生之**淨土法門**也。

## 【必成正覺第七】 (33/56)

08閉塞諸惡道，通達善趣門，為眾開法藏，廣施功德寶。

「為眾開法藏」。承上而言，  
上云「閉塞諸惡道」，悉令出生死海也，  
「通達善趣門」，咸令登涅槃岸也，  
為實現此願，首須開示佛之知見，

故云「為眾開法藏」。

廣演妙法，令眾悟入，導歸極樂，究竟菩提，  
故云「廣施功德寶」也。

「眾」指九界眾生，  
包括菩薩、緣覺、聲聞與六道一切眾生。  
「開」者，開佛知見，亦常云開示之義。

# 【必成正覺第七】 (34/56)

08閉塞諸惡道，通達善趣門，為眾開法藏，廣施功德寶。

「法藏」者，又名佛法藏，乃法性之理體，  
佛之法藏 亦即當人本具之如來藏性也。

法性含藏無量之性德，故曰法藏。

佛法之藏 又法藏者，如來所說之教法也，  
教法含藏多義，故名法藏。

多法集積，故又曰法蘊。

其數有八萬四千，《法華經見寶塔品》云：

「持八萬四千法藏，十二部經，為人演說。」

又《俱舍論》云：「所化有情，有貪瞋等八萬煩惱。

為對治之，世尊說八萬法蘊。」

# 【必成正覺第七】 (35/56)

08閉塞諸惡道，通達善趣門，為眾開法藏，廣施功德寶。

是以願為無量眾生，開顯法性之真實，  
復流出八萬四千妙法，對治眾生煩惱。  
但於八萬四千法門，唯一淨土妙法，  
能惠真實之利，普令一切含靈皆得度脫。  
故知所開法藏之首要，正是本經也。

「廣施」者，普遍施給也。

普利一切眾生，故云廣施。所施之物，乃功德之寶。

# 【開法藏】

開	開	開如來藏 見實相理	約佛邊說
	示	法界眾德 顯示分明	
	悟	事理融通 悟無二趣	約眾生說
	入	任運流注 入薩婆若	
法藏	佛之法藏	如來藏性	二而不二
	佛法之藏	三藏教法	

吳希仁老師《佛說無量壽經》講表



## 【必成正覺第七】 (36/56)

08閉塞諸惡道，通達善趣門，為眾開法藏，廣施功德寶。

「功德」者，

天臺《仁王經疏上》曰：「施物名功，歸己曰德。」

又《勝鬘寶窟上》曰：「惡盡言功，善滿曰德。」

又德者得也。修功所得，故名功德也。」

綜上二說，則利生與去惡名功，此功之果曰德。

德者，得也。功德者，修功所得也。

「寶」者，本段末後一個「寶」字，應深著眼，

此誠為畫龍點睛之筆。

蓋開法藏所開顯者，即此寶也。

廣施與眾生者，亦即此寶也。

# 【必成正覺第七】 (37/56)

08閉塞諸惡道，通達善趣門，為眾開法藏，廣施功德寶。

又此「寶」字具三義：

一者美稱。如尊佛而名為寶王如來，讚美念佛三昧曰寶王三昧，尊佛菩薩之印契為寶印等。

二者，寶乃梵語摩尼之譯名。

《仁王經良賁疏》曰：「梵云摩尼，此翻為寶。…」

會意翻云，如意寶珠，隨意所求皆滿足故。」

又《涅槃經九》曰：「摩尼珠，投之濁水，水即為清。」

又《彌陀要解》云：「明珠投於濁水，濁水不得不清；佛號投於亂心，亂心不得不佛。」

亦正是以寶珠喻佛號也。



# 【必成正覺第七】 (38/46)

08閉塞諸惡道，通達善趣門，為眾開法藏，廣施功德寶。

三者，《智度論四十七》曰：

「於諸寶中，法寶是實寶。

今世後世乃至涅槃能為利益。」

今經中「寶」字，悉俱如上諸義。

所說之法是真實法寶，此法至妙無上故喻之為寶，此法能滿眾願，故喻為如意之寶。

若切指此寶，則是持名之法。

蓋念佛之心印，堅固不壞，有如金剛，故稱寶也。

# 【必成正覺第七】 (39/46)

如《觀佛三昧經・觀佛密行品》云：

「(節錄)譬有貧人，依豪貴衣食。

時有王子出遊，執大寶瓶，瓶內藏王寶印。

貧者詐來親附，拿寶瓶逃走。

王子覺之，使六大兵乘（騎也）六黑象追之。

持瓶人走入空野澤中，毒蛇自四面來，欲啗持瓶者，

惶懼而東西馳走，見空澤中有一大樹蓊鬱，

頭戴寶瓶，攀樹而上。時六兵疾馳至樹下，

貧人見而吞王寶印，以手覆面。六黑象以鼻絞樹倒之，

貧人墮地，身體散壞，唯金印在寶瓶放光，毒蛇見光四散。

佛告阿難：住念佛者，心印不壞。亦復如是。」

(以上經文，在《宗鏡錄》九十五卷中有註釋，茲不錄引。)

## 【心印不壞】 (1/2)

《宗鏡錄》卷95：

「釋曰：夫觀佛三昧者，則諦了自心，名為觀佛；  
既識心已，不為境亂，湛然常定，名為三昧。

有人貧窮薄福者，

有人者，有即二十五有；人即一切眾生。

以無法財，名為貧窮；不悟心佛，故稱薄福。

依諸豪貴者，即是諸佛菩薩。

以存性命者，即是依觀佛三昧門，得見自性，以成慧命。

乃至貧人落地者，即是於凡夫身，達人法二空，  
證會一心，住真如地。

身體散壞者，既洞唯識之性，身見自亡。

唯金印在者，即是悟心常住。

## 【心印不壞】 (2/2)

所以一鉢和尚云：

塵勞滅盡真如在，一顆圓明無價珠。

寶瓶現光者，即般若智照。

諸蛇見光四散馳走者，即四大之身蛇，三毒之煩惱，  
智了即空，名為馳走。

住念佛者，心印不壞，亦復如是者，

以無念智，見真覺性，故云住念佛者。

諸塵不動，一體不移，名為心印。

恒住法位，究竟寂滅，名為不壞。

況如唯金印在，故稱亦復如是。

所以起信論云：得見心性，名究竟覺，即斯旨矣。」

了相虛妄，心即常住；知水「相」隨緣幻現，

水「性」如如不動矣。

## 【必成正覺第七】 (40/56)

08閉塞諸惡道，通達善趣門，為眾開法藏，廣施功德寶。

但今應申言者，則其末後所云：

「佛告阿難：住念佛者，心印不壞，亦復如是。」

故知念佛法門是真實不壞之法寶。

此念佛妙法，心作心是，全性起修，全修在性。

自心起念，還念自心，

以佛果覺作我因心，故令因心頓同果覺。

「住於念佛，心印不壞」，

功德之寶，正是此心。故此心印，稱為寶印。

彌陀大願，普度眾生成佛，為踐此大願，

故大開法藏，廣施無盡功德所嚴無上之寶，

即此信願持名之真實法寶也。



## 【必成正覺第七】 (41/56)

08閉塞諸惡道，通達善趣門，為眾開法藏，廣施功德寶。

「住念佛者，心印不壞」，實為一大藏教之眼目。

持名念佛時，即是心印放光時，

故云「一聲佛號一聲心」。

故《大集經》曰：

若人但念阿彌陀，是即無上深妙禪也。

於上之語，若能信受，即是蒙佛深恩，

為我開智慧之眼，得光明之身也。

上心印之語，亦即是如來心心相印之印，

諸祖以心傳心之心，

聞此寶印，粉身難報。

## 【必成正覺第七】 (42/56)

09如佛無礙智，所行慈愍行，常作天人師，得為三界雄。

10說法師子吼，廣度諸有情，圓滿昔所願，一切皆成佛。

上二偈乃願求佛德，願己福慧等同如來。

首句「如佛無礙智」，求己智如佛也。

「無礙智」者，指通達無滯、自在融通之佛智。

《涅槃經八》：

「如來不爾，悉知自地及以他地，是故如來名無礙智。」

《大集經一》曰：「無礙智慧無有邊，善解眾生三世事。」

《魏譯無量壽經下》云：

「佛眼具足，覺了法性，以無礙智，為人演說。」

故法藏發願求此無礙智，為九界眾生演說妙法，契理契機，一切無礙。



## 【無礙智】

- (1) 四無礙智，演說妙法。
- (2) 他心智無礙，悉知眾生心。
- (3) 身心無礙，法界身入眾生心想中。
- (4) 理事無礙，乃至事事無礙。

如理智	如佛照了 真諦理性	實智	種覺頓圓
		根本智	
如量智	如佛照了 俗諦事相	權智	邊際智滿
		後得智	

吳希仁老師《佛說無量壽經》講表

# 【必成正覺第七】 (43/56)

09如佛無礙智，所行慈愍行，常作天人師，得為三界雄。

「所行慈愍行」者，

願求己之所行，能如世尊之慈愍行也。

世尊以無緣大慈，哀愍眾生，等同一子，  
拯濟負荷，悉登彼岸。故願能行佛之所行。

故上句願求佛智慧，此句願求佛慈悲，  
智悲並運，圓契菩提。此二者如鳥之雙翼，缺一不可。

「常作天人師」，「天人師」為如來十號之一（註見前）。

「得為三界雄」，「三界雄」亦為佛之德稱。

三界者，欲界、色界、無色界也。

## 【必成正覺第七】 (44/56)

09如佛無礙智，所行慈愍行，常作天人師，得為三界雄。

《法華經方便品》曰：「世雄不可量。」

《淨影疏》云：「世雄，佛之異名。」

佛斷盡一切煩惱，故為三界中之大雄。總之，此一段是大願之總結。上言「無礙智」，求智慧也。自「慈愍行」以下，表誓願也。

《會疏》曰：「願是萬行之先導，慧即佛道之眼目。」

願以導因行，慧以照佛道。

願慧成滿，即名如來，故謂『得為三界雄』。

蓋誓願與智慧，成佛正因也。

兩俱圓滿，從因得果，故為三界之雄。

# 【必成正覺第七】 (45/56)

10說法師子吼，廣度諸有情，圓滿昔所願，一切皆成佛。

「說法師子吼」。

願已說法，能如世尊，於大眾中，作「師子吼」。

師子吼，喻也。師子，即獅子。師子一吼，百獸畏懼。

故稱世尊決定無畏之說法，為師子吼。

《涅槃經廿七》曰：「師子吼者，名決定說。」

又《維摩經佛國品》曰：「演法無畏，猶如師子吼。」

肇公註曰：「師子吼，無畏音也。」

凡所言說，不畏群邪異學，喻師子吼，百獸下之。」

如是說法，故能「廣度諸有情」。且此廣度有情之句，正是法藏大願之根。故云：四十八願，願願皆是為眾生也。

## 【必成正覺第七】 (46/56)

10說法師子吼，廣度諸有情，圓滿昔所願，一切皆成佛。

「圓滿昔所願」。

「昔所願」者，即法藏菩薩於五劫中精勤求索，結得之四十八大願也。

所發本誓，一一功圓果滿，故名「圓滿昔所願」。

「一切皆成佛」，此之一句，

奇哉！奇哉！粉碎虛空！

此正是四十八願之本體，從此一句流出四十八願，一一之願亦只是顯此一句。



# 【必成正覺第七】 (47/56)

10說法師子吼，廣度諸有情，圓滿昔所願，一切皆成佛。

《往生論》謂三種莊嚴（佛土、佛、菩薩）

「入一法句故，一法句者，謂清淨句。

清淨句者，謂真實智慧無為法身故。

此清淨有二種，應知。何等二種：

一者，器世間清淨。二者，眾生世間清淨。」

今云「一切皆成佛」，極顯此二種清淨也。

本經〈泉池功德品〉云：

「其水一一隨眾生意，……波揚無量微妙音聲；

或聞佛法僧聲、波羅蜜聲……甘露灌頂受位聲。

## 【必成正覺第七】 (48/56)

10說法師子吼，廣度諸有情，圓滿昔所願，一切皆成佛。

得聞如是，種種聲已，其心清淨，無諸分別，  
正直平等，成熟善根。隨其所聞，與法相應。  
其願聞者，輒獨聞之；所不欲聞，了無所聞。  
永不退於阿耨多羅三藐三菩提心。」

水者，無情之器物也。

何以能有如是無量妙用，應機隨宜，欲聞則聞；  
又具如是不可思議殊勝功德，能令聞者永不退轉？



## 【必成正覺第七】 (49/56)

10說法師子吼，廣度諸有情，圓滿昔所願，一切皆成佛。

是知一真法界，一塵一毛無不圓明具德，  
一真一切真，一塵一毛無一非圓圓果海。

（見《顯密圓通》，指無上圓滿聖覺果德之海。）

情器世間悉皆清淨，有情無情悉皆成佛，  
故曰「一切皆成佛」也。此一句子，

剖出三藏十二部心髓，道破宗門一千七百公案玄旨，  
直顯密宗大圓勝慧大圓滿之密意。

此即一法句，此即清淨句，

亦可稱為禪宗所謂之末後句；

萬德齊彰，一法不立，言思莫及，唯當默契。

## 【末後句】

「末後一句」、「末後之句」，

佛道極妙境地之語句。

謂到達徹底大悟之極處，所言之至極語，  
更無其他語句能超越者。

《景德傳燈錄》卷16：

「末後一句，始到牢關。  
鎖斷要津，不通凡聖。」

## 【必成正覺第七】 (50/56)

11斯願若尅果，大千應感動，虛空諸天神，當雨珍妙華。

「尅果」，《會疏》云：「尅謂尅成。果謂果遂。」

亦即常云成就之義。

「感」指感應。感屬於眾生，應屬佛菩薩。

此偈意為：

本願若能成就，大千世界一切聖眾，應受感動。

當現瑞象，梵天、帝釋諸天之天神，

當從空降下珍奇殊妙之天花，以為證明。

如《淨影疏》云：

「斯願一偈，請證要（求也）瑞。

若定尅果，大千應動，空雨妙花。」

## 【必成正覺第七】 (51/56)

佛告阿難：法藏比丘，說此頌已，  
應時普地六種震動。天雨妙華，以散其上。  
自然音樂，空中讚言：『決定必成無上正覺』。

說偈才畢，立即現瑞，故曰「應時」。

大地震動，是器世間之瑞應。

雨花、奏樂、讚言，是情世間之瑞應。

證明法藏大願決定成就。

「普地」，指全世界之大地。「六種震動」有三說：

一者，指六時之動為六動：(一)佛入胎時、

(二)出胎時、(三)成道時、(四)轉法輪時、

(五)由天魔勸請將捨性命時、(六)入涅槃時。

# 【必成正覺第七】 (52/56)

二、以能動六方曰六動。《大品般若經一》曰：

「爾時世尊故在師子座，入師子遊戲三昧。

以神通力感動三千大千國土，六種震動。

東涌西沒，西涌東沒，南涌北沒，北涌南沒，  
邊涌中沒，中涌邊沒，地皆柔軟，令眾生和悅。」

是以東、西、南、北、中、邊六方之動，曰六動。

三、動有六相，以六相之動，名為六動。

《晉華嚴經》以動、起、涌、震、吼、覺為六動。

動者搖蕩，起者升高，涌者凹凸，

震者有聲，吼者巨響，覺者覺他，令物覺悟。



## 【必成正覺第七】 (53/56)

上三說，**第一表震動之時**，**後二表震動之相**。

至於普令震動之**因緣**，《智度論八》曰：

「佛何以故，震動三千大千世界。

答曰：欲令眾生知一切皆空、無常故。」

「復次，如人欲染衣，先去塵土。

佛亦如是，先令三千世界眾生，見佛神力，

**敬心柔軟**，然後說法。是故六種動地。」

今者**普地六種震動**，

正應法藏大士「**大千應感動**」之誓；

復表今發願，正是將轉無上大法輪也。

## 【必成正覺第七】 (54/56)

「天雨妙華」，「自然音樂」，  
《唐譯》為「天華鼓樂滿虛空」。

《嘉祥疏》云：「地動表皆行因。雨華明必得果。」

自然音樂，證妙樂之土，說法化物也。」

意為：所現諸瑞象中，

地動表得果皆由行願之因(是「皆行因」之意)。

雨花者，有花則有果，以表大願必然得果。

「自然音樂」，必得妙樂之土，並廣宣妙法，化物無盡。

最後「空中讚言，決定必成無上正覺」。

《會疏》曰：「剋果無疑，故云決定。決定中之決定，故言必成。無上正覺，即佛果。無有此上，故名無上。」

# 【四種授記】

四種授記	(一)未發心授記	十住以前	預記 成佛國土 名號時劫
	(二)適發心授記	住行以上	
	(三)秘密授記	悉檀因緣	
	(四)現前授記	登地以上	

吳希仁老師《佛說無量壽經》講表

# 【必成正覺第七】 (55/56)

至於法藏大士才發願已，

空中便即讚言，決定必成無上正覺者，何也？

《無量壽經起信論》所釋，甚為精要。

茲用其意，而簡述之如下：

「一切佛土，不離眾生一念清淨心，而得成立。

法藏大士發此宏願，

祇為破除眾生妄執，開顯當人本有心量。

令知淨土即是法性本然，非從外得。

何以故？

自性空寂，離諸惡趣。

自性妙圓，具諸相好。自性無礙，現六神通。

自性無住，不可斷滅；自性無作，無有限量。

## 【必成正覺第七】 (56/56)

自性無外，如風廣被；自性無內，如鏡普現。  
自性光明，如日普照。自性平等，如香普熏。

菩薩即順眾生自性本具之空寂心、妙圓心、  
無礙心、無住心、無作心、無外心、無內心、  
光明心、平等心，而莊嚴佛土。

是以四十八願，一一願即眾生本具之心。  
即以自心，莊嚴自土，如水歸海，如響應聲。  
心土不二，因果同時。

是故法藏發願畢，空中即讚言『決定必成無上正覺』

以不可思議之因，起不可思議之果。

當知不可思議之因，即不可思議之果。

有志淨土者，須從此信入。」此論宜深參究。



## 【因果同時】 (1/4)

若以「前因後果」而論，「因果同時」不合正理。

太虛《第五編 法性空慧學》卷9：

「先因後果，事實如此；因果同時，豈符正理？

例如左右手同生起，左手既非右手生起之因，

右手亦非左手生起之因。

例此，可知十二因緣不能於一心中同時而有也。」

## 【因果同時】 (2/4)

但若唯識中之能熏、所熏義卻可說「因果同時」。

《第十一編 宗依論》卷4：

「能熏識等，從種生時即能為因，復熏成種；

三法展轉，因果同時，

如炷生焰，焰生焦炷。亦如蘆束更互相依。

因果俱時，理不傾動。…

兩重同時因果，非一重也。

種現同時，而種與種則不同時，

種與種不同時，猶不焦炷與已焦炷不同時也。」

## 【因果同時】 (3/4)

若約如來藏性而修首楞嚴三昧者，如下所述，

《第七編 法界圓覺學》卷13：

「奢摩他…乃增上定心之因相；

三摩…乃增上定心之自相；

禪那…乃增上定心之果相。

局其名義分齊言之，正唯一增上定心耳。

毗鉢舍那…乃增上慧心之因相；

般若…乃增上慧心之自相；

菩提…乃增上慧心之果相。

局其名義分齊言之，正唯一增上慧心耳。

## 【因果同時】 (4/4)

然真正定慧心，必是相成共轉：  
定是慧因，慧由定發；慧是定果，定依慧住。  
因果同時，非異時也。

必是全體圓具：

佛**三摩地**，平等**寂持**一切德相，  
法爾平等**明現**一切德相  
(理具三千、事造三千)；

佛**三般若**，平等**照現**一切德相，  
法爾平等**任持**一切德相：  
寂照同時，非異時也。」

# 【修定・修慧】

三相	增上心學	增上慧學
因相	奢摩他	毗婆舍那
自相	三摩	般若
果相	禪那	菩提
全體圓具	<p>佛三摩地</p> <p>平等寂持一切德相</p> <p>法爾平等明現一切德相</p> <p>(理具三千・事造三千)</p>	<p>佛三般若</p> <p>平等照現一切德相</p> <p>法爾平等任持一切德相</p> <p>寂照同時・非異時也</p>

參考太虛大師《法界圓覺學》整理



## 二、正宗分

一、 彌陀因地 殊勝願行	法藏勝因	法藏因地第四(時劫悲願)
		至心精進第五(攝受佛土)
	殊勝大願	發大誓願第六(四八大願)
		必成正覺第七(立誓自要)
	從願起行	積功累德第八(修菩薩道)
	果德成就	圓滿成就第九(佛土法身)
		皆願作佛第十(聞經緣勝)

二、極樂依正・清淨莊嚴

三、三輩往生・菩薩禮供

四、二土欣厭・重重誨勉

五、得失雙辨・攝聖顯智

# 積功累德第八・科判

一、總說淨土 (所修佛國成就)	行因	阿難：法藏比丘…專志莊嚴妙土
	得果	所修佛國，開廓廣大…無衰無變
二、嚴淨自心 (心淨則土淨)	自利行	於無量劫…志願無倦，忍力成就
	利他行	於諸有情…無有虛偽、諂曲之心
	二利行	莊嚴眾行…善護意業，清淨無染
三、成就眾生	六度化眾	所有國城聚落……無上真正之道
四、增上勝 (因勝則果勝)	化身德	由成如是諸善……功德說不能盡
	報身德	身口常出…最上之物，利樂有情
五、教化成就	(皆發心)	由是因緣能令……三藐三菩提心

# 【積功累德第八】 經文 (1/3) (夏會本)

阿難：法藏比丘於世自在王如來前，  
及諸天人大眾之中，發斯弘誓願已，  
住真實慧，勇猛精進，一向專志莊嚴妙土。

所修佛國，開廓廣大，超勝獨妙，  
建立常然，無衰無變。

於無量劫，積植德行，不起貪瞋痴欲諸想，  
不著色聲香味觸法，但樂憶念過去諸佛所修善根。  
行寂靜行，遠離虛妄。依真諦門，植眾德本。  
不計眾苦，少欲知足。專求白法，惠利羣生。  
志願無倦，忍力成就。

# 【積功累德第八】 經文 (2/3) (夏會本)

於諸有情，常懷慈忍，和顏愛語，勸諭策進。  
恭敬三寶，奉事師長。無有虛偽、諂曲之心。

莊嚴眾行，軌範具足。觀法如化，三昧常寂。  
善護口業，不譏他過。善護身業，不失律儀。  
善護意業，清淨無染。

所有國城、聚落、眷屬、珍寶，都無所著。  
恆以布施、持戒、忍辱、精進、禪定、智慧，  
六度之行，教化安立眾生，住於無上真正之道。

# 【積功累德第八】 經文 (3/3) (夏會本)

由成如是諸善根故，所生之處，無量寶藏，自然發應。  
或為長者、居士、豪姓尊貴；或為刹利國王、轉輪聖帝；  
或為六欲天主，乃至梵王。

於諸佛所，尊重供養，未曾間斷。如是功德說不能盡。

身口常出無量妙香，猶如栴檀、優鉢羅華，  
其香普熏無量世界。隨所生處，色相端嚴。

三十二相、八十種好，悉皆具足。

手中常出無盡之寶，莊嚴之具，  
一切所須，最上之物，利樂有情。

由是因緣，能令無量眾生，皆發阿耨多羅三藐三菩提心。



雪廬老人淨土詩偈

柁帆牽索賴多緣  
盪槳還須自力堅  
**誓**破濤瀾衝上去  
稍微疏懈即翻船



# 迴向偈

願以此功德，莊嚴佛淨土。

上報四重恩，下濟三塗苦。

若有見聞者，悉發菩提心。

盡此一報身，同生極樂國。